

**Theeme vum Dag:
D'Lëtzebuenger Geschicht duerch d'Lëns vum Batty Weber
sengem *Abreisskalender* (1913-1940)**

**Institut fir lëtzebuergesch Sprooch- a Literaturwëssenschaft, Institute of English Studies,
Department of Humanities**

Universitéit Lëtzebuerg, Campus Belval, 29.-30. Juni 2023

De Batty Weber gehéiert zu deene bekanntsten a produktivste Schrëftsteller an der Lëtzebuenger Literatur- a Kulturgeschichte. Seng Theaterstécker, Romaner a Kuerzgeschichten hunn zu senger Liefzäite bei sengem Publikum groussen Uklang fonnt. Déi gréisste Lieserschaft hat awer seng deeglech Feuilletonsserie an der *Luxemburger Zeitung*, den *Abreisskalender*. An dese kuerzen a liewegen Texter huet de Weber säin eegent Erliewen als Lëns agesat an huet seng Stadspadséiergänger, seng Kommissiounen an Iergernesser, wéi och seng politesch a philosophesch Reflexiounen gedeelt. Esou huet hien op eng uspriedend a publikumsno Manéier all Dag erëm probéiert, d'Bewosstsi vu senger Lieser.inne fir hiert Ëmfeld, hier Geschicht an hier eege Wouerhuelungen ze stimuléieren. Duerch dës Form vun informeller Alldagsgeschichtsschreiwung huet hien eng 'imagined community' vu Lieser.inne kultivéiert, déi natiounsbildend Potential hat.

Säit 2018 sinn dem Batty Weber seng iwwer 7000 *Abreisskalender*-Feuilletonen an digitaler an duerchsichtbarer Form accessibel: <https://battyweber.uni.lu>. Dëst Format mécht et méiglech, dem Weber seng gedanklech Villfalt, seng argumentativ Progressioun, wéi och seng Widderspréch a Meenungsännerungen ze retracéieren.

Eis Tagung invitéiert Fuerscher.innen aus de verschiddenste wëssenschaftleche Gebidder sech mat deem breetgefächerten Theemespektrum vum Weber sengem Feuilletonwierk auserneezenesetzen.

Méiglech Géigestänn wieren:

- Historesch, politesch, a kulturell Evenementer
- Stadgeschichte, Urbanismus an Architektur
- Lands-, Europa-, a Weltgeschichte
- Kierch a Relioun
- Philosophie
- Wëssenschaften
- Gastronomie, Vitikultur a Cafékultur
- Krich a Konflikter
- Monarchie a Kolonialismus
- Landschaft, Regioun, Natur an Ëmwelt, Déierewelt
- Ökonomie, Tourismus, Kommerzgeschichte
- Sproochen, Sproochepolitik a Méisproochegkeet
- Literatur an alle Formen
- Konscht, Molerei, Skulptur, Musek, Danz, Film
- Muséesplangung, Denkmalschutz a kulturelle Patrimoine
- Sport a Fräizäit
- Kandheet, Jugend a Schoul

Nieft enger thematescher Lecture sinn aner Approche méiglech:

- Poetesche a receptiounsästhetesch: den Text a seng Lieserschaft
- Literatursoziologesch: den *Abreisskalender* a sengem editorialen a kulturellen Kontext
- Linguistesch: Sproochen a Sproochgebrauch am *Abreisskalender*
- *Digital Humanities*: Digitaliséierung an Notzung vum Korpus
- Didaktik: den *Abreisskalender* an der Schoul

Méiglech Avenuë fir d'Froestellung:

Wéi beschreift de Batty Weber seng Welt? Wat léiere mir iwwer Lëtzebuerg, Europa an den internationale Kontext aus dem *Abreisskalender*?

Wéi eng Perspektivwiesselse weisen sech an der Duerstellung vun de verschiddenen Theemen? Wéi artikuléiert de Weber dës Duerstellungen sproochlech, erzieleresch an ästhetesch? Wéi kënne mir dem *Abreisskalender* seng Literarizitéit aschätzen? Wéi politesch ass de Weber am *Abreisskalender*?

Wéi eng national an international iddiegeschichtlech Tendenze falen am Korpus op? Wéi positionéiert de Weber sech zu dësen?

Kënne mir eng histoiresch Evolutioun an dësen Duerstellungen an Argumenter weisen?

Format:

D'Virträg sollen net méi wéi 20 Minutte laang sinn. Si kënnen op Lëtzebuergesch, Däitsch, Franséisch oder Englesch sinn.

Schéckt wgl. en **Abstract vun ca. 250 Wierder bis den 31.1.2023** mat enger kuerzer biographescher Presentatioun dem Anne-Marie Millim (anne-marie.millim@uni.lu) an dem Sébastian Thiltges (sebastian.thiltges@uni.lu).